

تۈرك يۈردى

تۈرك اوجاقلرى مركزى لهيئتى طرفىدىن نىشرا اولونۇر

نومرو ۱

تشرىن تانى ۱۳۴۰

جلد ۱

شون

داخلي شون

طوملى پيكارد، حمدالله صبحى بلك نطق - رئيس جمهور خضر تلىرىنىڭ سباحىلىرى - ارىروم زىلەسى.

آغستوسك اوتوزنجى كوتى باش قوماندان ميدان محاربه سنك يىل دونومى
مناسىتيله مجهول تورك عسكرى نامنه طوملى پيكار محاربه ميدانده مراسم ياپىلدى.
اركان حربىة عموميه رئيسى فوزى پاشانك نطقيله باشليان مراسمده دارالفنون،
مطبوعات، معلملر برلكى، بارولر، ادمان جمعيتلىرى اتفاقى، هلال احمر نامنه
نطقلر ايراد ايدىلدىكى كى تورك اوجاقلرى مركزى هيئت رئيسى حمدالله صبحى
بكده تورك اوجاقلرى نامنه برنطق ايراد ايتدى. اوجاقلر نامنه مجهول عسكر
مزارى باشنده سوبله نيلان بونطقى قيمتلى بر خاطرده اوله رق قيد ايدىيورز :

«كوبلى خاغلر، چيقتجىلر، نقرلر، ضابطلر، سوكىلى غازى و عزيز آرقاداشى !
بوراده حادثه، سوزدن، چوق قوتلى بر موقعه در، بن سزه نه سويليه بيليرمكه
بو اوولرك اوستنده كچن وقعه قادار درين، معنالى، بليغ و شموللى اولسون. سوز
بوراده فعل قارشىينده عاجزدر.

اطرافه باقىيورم، آره مزنده آناتولى قادينلىرى وار. هيچ بر فلاكتك اوستنه كوز
ياشى آقيتماش، هيچ بر فلاكتك صدمه سيله روحى قيريلماش، بوزلى قايلار كى قاتى،
بوزلى داغ باشلرنده كى قايلار كى يانيق، صايسز شهيدلر ويرمش آناتولى قادينلىرى وار.
آره مزنده آلاجه كوملكلرله، چيلاق آياقلريله كويلرك چوجوقلرى كورونيور. داغ
باشلرنده كى بايلاقلردن يوروكلر ايغش، اجتماعه اولرنده ككشلىر. اجتماع تمامدر. بوراده
اولانلر قادار بوراده اولمايانلرنده بوراده. تورك ملتكن روحى بو حرب ميدانك كنارنده آل
باغلامش دوريبور.

افندىلر !

ايكى اردو چارپيشورى چارپيشان ايكى فكردر. آيلرجه سنه لرجه مدت بوياماجلرده،
بو بوغازلرده، بو بللرده، يونانلىق فكرى ايله توركلك فكرى ايكى پهلوان كى بربريله
چارپيشوب دوردى.

۳۰ آغستوس ! سن بر انهدامه شاهدسك !

۳۰ آغستوس، اوكون، يعنى بوكون، يونانلىق فكرى بو طوبراقلرده توركلك

فكرينه مغلوب اوله رق يرلره سربلدى.

۳۰ آغستوس، سن قاچ انهدامه شاهدست!

۱۴۵۳ ده بيزانس سورلرندن قاچان يونانلىق، يكي بردولت، يكي براردو حالنده ازميز يوللرندن استانبوله دونيوردي. بو اردولرك باشنده اسمى رمن ماهيتنده اولان بر قيصر واردى. استيلا بوراده قيريلدى، قيصر استانبوله برابر آتنيده بوراده غائب ايتدى.

روحي توركه كيندن عبارت اولان يانغين، قان مراكليسى برپاش وكيل واونك غلادستون يرلرنده يوروين شرق سياستى بوراده كنديني سياستنى ده ورن بر اولوم ضربه سيبدى. بوراده انكلتره نك استانبول بوغازلى اوستنه بنا ايتديكي يكي جبل الطارق ييقلدى. ازميز جبهه سى استانبوله كيدن كچيدلىر قاپامش بر ديواردى. ۳۰ آغستوس بوديوارى تملرندن سوكدى. ازميزه بوراده قاووشدق، ازميزه اولدينى قادار بروسه يه، استانبوله وادرنه يه بورادن قاووشدق. ۳۰ آغستوس! توركك ده ميرينه مسلط اولمش نه قادار پاس وارسه سنك عمومى تصفيه ياپان مبارك آتشنده اريدى. دشمن متفق، خيانتك دوستى، قاراندقك يولداشى، چوروين و چوروين نه قادار كهنه مؤسسه وارسه، ۳۰ آغستوس سنك، برمشى اوليان كوننده برداها دوغروملاق اوزره بوراده تملرندن قوپاريلدى.

باش قوماندان محاربه سى! بركون ايچنده قاچ مظفريتك واردر. قازانديغك ظفرلر آره سنده اك بويوكى، ماضى به قارشى قازانديغك ظفردر.

باش قوماندان محاربه سى! سن قورتولوش كونيسك. باش قوماندان محاربه سى! سن جزا كونيسك. سن يونانلىق ايچون نه قورقونج نه يامان بر جزا كونيسك! بوتون بو ايللرده برجهنم كې يرلشن يونانلىق و اونك جنايتى مدهشدى. سنك جزاك اونك استحقاق ايتديكي قادار مدهش اولدى. باش قوماندان محاربه سى! چوق اوزون سورن بر كناهه كوكلرك انتقامى كې قهر ايديجى، محو ايديجى بر جزا ويردك. بو جزا استقبال ايچون بر درسدر. آناطولى به آياق باصقى ايسته ينلره تاريخك بر اخطارى حالنده قاله جقدر:

— باصمه يك، آل اوزاتمايك، تكين دكلدر! ديه زمان آره سنده متبادى حايقيه جقدر. دو بويورميسكز؟ روحك كوزلى فرق ايتيورى؟
بو كوكلرك ايچنده نه اورپرملر، بو طوپراقلك ايچنده نه تيرمه ملر وار. باشلرئمك اوستنده بلكه بركيه اولويور. بوروز كارلك سسنده كوكلرك ايچنده اوچوشان بيرتيق، يانبق غزا بايراقلىنك بر فيصليتمى يوقى؟ اسكى غزالرك بايراقلىله قارص، اين اوكى، سقاربه بايراقلىر بو قورتولوش كونك، بواك بويوك محاربه نك و ظفرك باشى اوچنده هپ بردن بلكه شيمدى، دالغه دالغه طواف ايديورلر.
آناطولينك بويولمش بر كوشه سنده يز. شهيدلرئمز! بو طوپراقلرده اولدينى قادار

کوکلریزده یاتان شهیدلریز ! باشلریکیزک اوجنده طویلانلره برخطابکیزی وار ؟
بو طور اقلرک ایچنده ذره ذره پاریلیرله اورتولو بیم بیاض کنج دیشلری آره سنده
استقلال شهیدلری برشی صایقیلورلر :

ای تورک ملتی سنک ایچون . دیار دیار ، اقلیم اقلیم ، بوتون او بوغوشمه لر ، او
مجاهده لر و بو اولوم ، ای توك ملتی سنک ایچون ، سنک ایچون .

داها دون دینه جک قادار یاقین برزمانده ، بوراده برقیامت قوپدی . آتش قاصیرغه لیرنک
دونه چیلر یایدینی ، شهید قانلریک پارچه پارچه قیزاردینی بوردی ، اونوتقان طبیعت نه درین
برسکونه دالمش . شیمدی هر طرفده بورغا جانلر بوز ماوی دیکنلری آجش ، آلاغوزلر
باباجیه لر ، نهمه جنلرک لاجورد ییلدیزلریه قاریشمش ، داربجانلر ، سیرکنلرله ، پترقلر
ککیره لرله قاریشیرق استقلال شهیدلریک کنج نقشلری اوستنه یایلا بهارینک رنگ رنگ
اورتوسنی چکمش .

عزیز شهیدلریز ! این اوکی ، سقاریه و طوملی ییکارده کی مشهیدلریکیز برملشک اوچلری
کبی دوریور . بو ملشک اوستنده یکی تورکیه براهرام کبی یوکسکدی . اک یوقارده تا
تیپده دالغالامان اختلال و انقلاب بایراغی وار . اثر کزه صادق ، صادق قاله جغیز .
اوبایراغی ، دیکدیکیکیز یوکسک تپه دن ایندی برتمیه جکیز .

سوکلی غازی ، بو آلاجه کویلی قالا بالانی ایچنده سنی سیر ایدیورم ، کندیکه بوندن داها
فضله یاقیشان برچرچوه نروده بوله ییلیرسک ؟

سوکلی غازی ! طالعک اک قارائلق کونلرنده اسمک برچوبان ییلدیزی اولمشدی .
هیمز اوکا باقرق یول آلدی . بولزک اوستنده یکی دوغان برکونشک آیتلادینی برداغ
باشی کبی هرکسدن اولایشینی آلان اسرارانکیز باشکله سن یوکسک برؤکرسک ، سن
بر آیتک .

سن تورک ملتک برجهاد بایراغیک ؛ حرپر استقبالك بوتون اشارتلی ، خبرلی
هیمس سنک بوز کده .

سنی کوزلریله قوجاقلایان ، کوکلرنده سکا دعا اکسک اولیان بوخلق کتله سنک
اورتسند ، ظفر یکی سوله یین بوبرلرده ، سن نه علویسک .

قورتولوش کونی سنکله برابر حاضرلایان بوسلاح آرقاداشلرک ، بوهر بری ، روح
قدرتک ابدی اورنکی اولان قوماندانلرک وضابطلریک آره سنده روحک سزدیکی ، اک
اصیلی برکوزلرکله کوزلسک .

بوللرده جوق کیچ قالمش برملتی حمله حله حر و مسعود بر استقباله دوغری کوتورورکن ،
بو ظفر ، بو صلح کونشک آلتده قلمز سوککله دولو ، سکا تکرار ایدیورز :

بوتون جهاد کده ، حیات بوللریک صوکنه قادار یانکده یز ، برابرز . بوتی ، سکا
ایناغش و سنی جانن سومش ملتپور برکنجک نامه بردفعه داها ایشت . ه

طوملی پیکار مراسمنی متعاقب رئیس جمهور غازی پاشا حضرتلری بروسه یی تشریف ایتدیلر ، بروسه نك قورتولوش مراسمنده حاضر بولوندیلر . متعاقباً مدانییه اینهرك حمیدیه قرووازوری ایله طربزون ریزه ، کیرمسون وصامسونی زیارت ایتدیلر . رئیس جمهور حضرتلری بو سیاحتلری ائناسنده کیندکلیری هریرده خلقلک جوشقون محبت و حرمت تظاهرلریله قارشیلاندیلر ، وهربری ملی حیاتمزدده بر مشعله اوله جق نطقلر ایراد ایتدیلر . بو آراق ارضروم حوالیسندده وقوع بولان زلزله دن دولایانی فلا کتزدده لرله یاقیندن علاقه دارا اولق اوزره سیاحتلری ارضرومه قادار تمیدده قرار ویرهرك صامسوندن آماسیه و سیواس یولیه حرکت ایتدیلر .



ارضروم حوالیسی صوگ عمومی حرب فلا کتی وارمنی قتاللری ایله خراب اولمش وطنک عمومی صلح و سکونی ایچنده یارالری صارمقله مشغولکن ایکی آی قادار اول برزله فلا کتی کچیرمشدی . دها بو فلا کتک ییقیدنی یلر هنوز یاییماق اوزره یکن یکیدن بر حرکت ارض اولدی ، کویلر خراب اولدی ، انقراض آلتنده یوزلرجه تورک قالدی . اوکمزده کی قیش بوییکرجه قرده شلر مزک آچ و صوسر قارلر اوستنده قالماسی ایچون المزدن کلن یاردیمی یایماق بو نیمزه ملی بر بورجدر .



خارجی شئون

جمعیت اقوام موصل مسئله سی - بزد فرانسه - فرانسه - روسیه مناسباتی - کورجستان احوالی - فاس مرکزیشق

انکلیز باش وکیلی ماقدونالد ایله فرانسه باش وکیلی هریدو ایش باشه کلدکلی کوندن بری منسوب اولدقلری فرقه لرك پروغراملری ایجابی اوله رق ، جمعیت اقوامک جانلانه سته و حقیقی بر فعالیت ساحه سته کجه سته غیرت صرف ایتکده درلر . ذاتاً جمعیت اقوامک نظر یاتدن فعلیانه کجه سی ؛ عمومی حربدن صوکره جهان سیاستنه حاکم اولان انکلیز ایله فرانسه نك آلاجلری وضعیته تابع ایدی . فقط بو نقطه ده سوسیالیست حکومتلرک ایش باشه کله لرندن اول ، بویکی دولت آراسنده اساسه عاثر درین بر اختلاف نظر موجوددی . فرانسه جمعیت اقوامک اساس وظیفه سی اولان حکمک رولنی بحق اویناه بیلمسی ایچون قوه مؤیده اولق اوزره بوجیتک مادی و سلاح بر قوته استناد ایتی و لزوم کوردیکی

تقدیرده سلاحه حکملرنی اجرایه مقتدر اولسی نقطه نظرنی ایلری سورویوردی . انکلترة ایسه بوتقطه نظره اشترک ایتیهرك ، جمعیتک یالکیز افکار عمومیه استناد ایدهرک معنوی تأثیرلر ایله اجرای حکم ایتسی طرفدارى ایدی . بووضعیتی آلفه انکلترةنى سوق ایدن برچوق جدی عامللر واردر . معلوم اولدینى وجهله انکلترة الیوم موجود اولان دولترک ائکواسی واک معظى در . کره ارضک بوتون قطعه لری ایله علاقه دار واداره سنده برچوق ملتر و عرقلر واردر . دنیانک هرهانکی بردولتی ایله آراسنده حل ایدیه مش برچوق مسئله لر واردر . بناء علیه ، هرآن کندیسنى بوتون سائر دولترک متفق حرکتلرینه قارشى کورمک احمالی انکلترة نك ایشه کلیور . بوتون ماعدا ، آمریقا جاهیر متحده سنک جمعیت اقوامه اشترک ایتدیکی وهرهانکی بر مسئله ده تام سربستی سنی محافظه ایتدیکی معلومدر . حالبوکه ایشه جهان سیاستنده انکلترة ایله رقابت ایده جک وبوی اولچه جک یالکیز بودولت واردر . انکلترة ایچون ؟ سربستی حرکاتی محافظه ایدن بویه بر دولته قارشى کندیسنى جمعیت اقوامک مجبورى الایقا قرارلری ایله باغلامق البتکه ایکنجی مهم بر انکل تشکیل ایدر . ایشه بوکی مطالعه لره تبعاً انکلیزلر شیمدی به قدر جمعیت اقوامک فعلی ومؤثر تحت مراقبه سته کیرمکدن چکنیورلردی . فقط ماقندالده وهریو ایش باشنه کلدکاری کوندن بری بین الملل برچوق معضل مسئله لر ، مثلاً آلمانیا ایله غالب دولترلر آراسنده کی تعمیرات وتضمینانه عائد مسئله لر روسیه ایله مناسبات مسئله سی ، لوزان صلحنامه سنک تصدیقی مسئله سی ، حله طوغرو آز جوق تقرب ایتدیکندن و آمریقانک ده جمعیت اقوامه اشترک ایتک تمایل محسوس بر درجه ده تظاهر ایتکه باشلادیقندن ، انکلیز وفرانسز حکومترلری جمعیت اقوامک فعالیتنه کرى ویرمکه قبولدیلر . الیوم چه قواسلو اقیانک سابق باش وکیلی به نسک تحت ریاستنده کی بر قومیسون ، انکلترة ایله فرانسه آره سنده کی نقاط نظر اختلافرنی تألیفه اشتغال ایتمکده وترشح ایدن معلوماته کوره بوخصوصه عائد مهم قرارلر انخا اولونقمده در .

فقط جمعیت اقوامک موجودینى ، انکلیزلرک متدایاً ایلری سوردکاری معنوی نفوذینى افکار عمومیه نظرنده امتحان وتجربه به وضع ایده جک بوکون مهم بر مسئله حادث اولمشدر . اوده ، موصل مسئله سیدر . بومسئله ده بزم آلدیغیز وضعیت چلیکدن یاپیلمش بر قایا قادار مبتندر . بوجلیک قایابی ، انکلیزلرک اوکنه ایلک آتان بزم باش وکیلیمز عصمت پاشادر . داهالوزان مذاکره لری ائتاسنده عصمت پاشا حضرتلری ، آرای عامیه مراجعت اصولی تکلیف ایتدی . بز بوتکلیغیز اوزرنده استنبول قونفرانسنده ده اصرار ایتدک . بوکرده ده باش مرخصیز فنجی بک عین اساس اوزرنده اصرار ایدیور ، وبونی یکنه چاره اولارق کوستریور .

بوکا قارشى انکلیزلر ؛ بیک دره دن صو کتیره رك اعتراض ایدیورلر . کاه بر موصل مسئله سی اولدیغنى ، یالکیز بر حدود منازعه سی اولدیغنى ، کاه مسئله نك بین الملل لاهی حکمه سته حواله ایدلسنى ، کاه ده متخصصلردن مرکب بر قومیسونه کوندرلسنى ادعا ایدیورلر . فقط بوتون بوقرار سزقلر بیه انکلیزلرک شاشقین برحاله اولدقلرینه وایلری سوردکاری

یوتون مطالعه لریك صرف سفسطه دن عبارت بولونديغنه بارز بر دلیلدیر . بزموصل ولایتك تورك و كورد اولديغنی ادعا ایدیور و ادعائك حقیقته كوه نورك رأی عام اصوله مراجعتی تكلف ایدیورز . انكلیزلر ؛ عینی ولایتك عرب اولديغنی ادعا ایدیورلر . فی الواقع اولدرده ادعایك حقیقت اولديغنه قانع ایسه لر ، نه دن بزم کبی رأی عامه مراجعت ایتك ایسته میورلر ؟ انكلیزلرك سفسطه لر ایله ایشی کورولتویه کتیرمکه چالیشملری پك طبیعی در . فقط عجا جمعیت اقوام نصل بر وضعیت آله جقدر ؟

جمعیت اقوامده انكلیزلرك پك قوتی ، پك نافذ اولدقلری معلومدر حتی شمیدی یه قدار جمعیت اقوامك ملتلر آراسنده و بشریت وجداننده بکله نیلن موقی احراز ایتمه سی و لازم اعتمادی تلقین ایدمه میسی بو یوزدندر . وجداندرده جمعیت اقوامك بر انكلیز ، بر قوتیلر آتی اولديغنی قناعتی حاصل اولشددر . شمیدی عجا جمعیت اقوام بو قناعتی بر داهای تأیید ایلیه جکمیدر ؟

اونوته ملیدرکه ، جمعیت اقوام فکرنی ایلک اول ورسای صلح قوتنه اننده میدانه آتان آمریقا رئیس جمهوری و یلسون ، جمعیتك لزومی فکرنی « یالکز هر ملتك کندی مقدراتی بالذات کندیسی تعیین ادر » دستوریه استناد ایتدیر بیوردی ! جمعیت ، صرف بو دستور اوزرینه قورولشددر و حکمت موجودیتی ده بودستوره رعایت ایتکدن عبارتدر . بین الملل عدالت ، صلح ، آسایش ، حضور ، هپ بودستورك درجه تطبیقنه وابسته در . و جمعیت هرشیدن اول بو دستور استناداً ملتلرك ، یوغواسلاویانك ، چه قواسلوو اقیانك ، چینلیرك ، عربلرك و سائر هك استقلالنی طلب ایله ملشددر !

بزم تکلیفمز ایسه ، عینی دستورك تطبیقندن باشقه برشی دکلدر . ذاتاً تهجینك ، هولشته یك عائدیتی تعیین ایچون عینی انکله نك اصراری اوزرینه رأی عامه مراجعت ایدلمی ؟ شیمیدی بعت اقوام هانکی مطالعه یه ، هانکی اساسه استناداً عینی اصولك موصل مسئله سنده ده تطبیقنی رد ایده بیلیر ؟ برقطعه اهالیسنك مقدراتی نه بر امتیاز ، نه بر استقرار مسئله سید که متخصصله ، حکمه احتیاج حس ایتین ! او ، یالکز او اهالیك اراده سی ایله ، رأی اله حل ایدیه بلیر ! و جمعیت اقوامك حکمت موجودیتی بواساسی محافظه و تطبیق ایتکدن عبارتدر ! هر هانکی بر قوتك تأیری ایله اساسی ردایدن و دولانباجی قرارلره توسل ایله یین جمعیت طبیعیه کندی کنیدی انکار ایتمش اولور . ضعیف دولتلرك بوجعیته داخل اولقله کندی حقوقلریك محافظه سنی تخیل ایتملری عبث و اوهام اولور ! جمعیت اقوامك بو تجربه امتحانندن شرف و حیثیتله چیقاجقنی امید ایدم ! بو ، کرک جمعیتك کندی موجودیتی و کرکه وجدان بشریته تلقین ایده چکی امنیت و اعتمادله کندی اساسلرنی تأیید ایچون الزمدر .

جنورده ده موصل مسئله سی مذاکره ایدیلیرکن - جمعیت اقوامك مهم بررکتی اولان فرانسه لوزان صلحنامه سنی تصدیق ایتدیکدن سوکره بزه یکیدن جنرال موژه فی کوندردی . جنرال اوتنه دن بری آرامزده یاشامش ، بزرلجه سولیش برسیادر . فرانسه ایله تورکیه

آرامنده حسن مناسباتی احیا و تأسیس ایدن عامللردن بریسیدر . جنرال اوزون مدت آنقردهده پاشامش ، آناتولی احوال روحیه سنی ، آناتولی رجال دولتی یاقیندن تدقیق ایلشدر . نه بوکونکی تورکیه نك اسکی عثمانی امپراطورلی ، نه بوکونکی آنقره حکومتک اسکی باب عالی حکومتی اولدیفته قانع اولمشدر . مملکتنده کی اوزون اقامتی اثناسنده بوتون بو خصوصیتلری حقیقی ايله فرانسز رجالنه ایضاح و تلقین ایلش ، اسکی سیستم لرك ، اسکی مه تودلرك ترك اولونمسی ، یکی مه تودلر ايله حرکت اولونمسی لزومندن بحث ایتشدر . بو آنقاره نك اسکی خاطره لردن قالمش اصوللردن ملهم اولان مشوش و مطلق سیاسی حقیقتاً و ایکی مملکتک منافعی نقطه نظرندن بادی حیرت و اسفدی . فرانسز لساننه ، فرانسز مدینته آلیشمش اولان برجوق فرانسز دوستلری تورکلری بو وضعیت جدأرنجیده ایدیوردی . فقط بونک خلافتده اولارق بوکونکی هر یبو حکومتک آلدینی صریح و دوستانه وضعیت بودوستلرك قبلربنی منشرح واسکی عنعنوی دوستلک احیاسی امیدنی بخش ایدیور . بو نقطه نظرندن جنرال مؤزنه نك یکی دن آنقره ده کلیسی بر فال خیر عد اوله بیلیر . فرانسه ايله آرامزده هنوز حل اولونمشمش قیوبولره ، مکتبلره ، دمیبوللرینه عائد برجوق مسئله واردر . فقط یکی تورکیه نك واونک محق و مشروع تمایلاتی آنکلامش و تقدیر ایتش اولان بوکونکی فرانسز رجال ايله بومسئله لرك دخی مشکلاتسز حل اولنه بيله جگنی امید ایدیورز .

عینی فرانسز حکومتی - روسیه به قارشیده وضعیتی دیکشدره لرك بو مملکتله دخی مناسباتک اعاده سنه طوغرو تمایل کوسترمکده در . روس ، انکلز ائتلافدن صوکره - فرانسه ایچونده روسیه به قارشیاکی وضعیتده اصرار اولونمسی ایچون بر حکمت قالمه مشدی . هر یبو بو خصوصیتده تشبیه اوزرینه آلارق روسیه ايله مناسبات آرزوسنی اظهار ایتدی . فقط تام بومسئله یانی باشمزدده کی کورجستانده کی وقایع ظهور ایتکده باشلادی . برجوقلری بو وقایعک نام بو صره ده باشلامسی تصور اولنان فرانسز - روس ائتلافنه ممانعت ایچون ایقاع ایلش اولدیغنی ادعا ایدیورلر . بو طرز تلقی نك درجه اصابتی طبیعی بز تعین ایده میز ! مع مافیه جریان ایدن حادثاتک اعظام ایدلیدی محققدر .

کورجستانک بعض جهتلرنده قیام واقع اولش ایسه ده - ادعا ایدلیدی کی قفقاسیه نك هر طرفه سرایت ایتمه مشدر - و وارد اولان صوکره خبرلره کوره قیام محللرنده دخی عصیان باصدیرلشدر . بو مناسبتله تورکیه نك ده بوقیامله علاقه دار اولدیفته عائد خبرلرك هر دورلو اصل و اساسدن عاری اولدیغنی قید ایتک بيله زائددر . اورتالغه و لوله صالقمده منفعتدار اولانلر - تورکیه نك هر ه نکی برماجرايه آتیلنی اصلاً ایسته مدیکنی ، اون بش سنه لک محاربه و مجادله دن صوکره - تورکیه نك کندی داخنده پایلمسی الزم اولان ایشلره صرف وقت و قوت ایتکده عنم ایتش اولدیغنی بیلیدرلر . بز انقلابمک اساسلرینی تثبیت واستثمار

ایده رسهك و اهاينك محتاج اولدینی اقتصادی احتیاجلرك تطمیننه غیرت ایلرسهك بزم ایچون یتیمیر.

باقیکز فاسده اسپانیولرلك باشنه کلنلره! فاس مجاهدلری اسپانیول سرکذشتجولرینی هزمتدن هزیمته اوغراتمقده بردوام درلر. ذاتاً - جهل و تعصب یوزندن کندی داخلی ایشلرینی تنظیم و اصلاح ایتمکدن، و قومشو ملتئر ایله هم عنان اولارق یورومکدن عاجز اولان بو دولتک مستملکه، وئهمیریالیزم سرکذشتلرینه آتیلش کولونج بر وضعیتر وعاقبتی، دائماً خسراندر! فی الحقیقه اسپانیافاسلیلردن داهاجمیز اولدیفندن بلکه نهایت النهایه امیر عبدالکریمی اطاعته اجبار اندر. فقط - نتیجه دخی اسپانیایه اوقادار بهالی به مال اولاجق، ذاتاً ضعیف و پریشان اولان اسپانیانک اودرجه یورغونلغنی موجب اولاجقدر - که مستملکه وادیسندنه قازانمش اولاجنی بو موفقیتی، داخلده حادث اولاجق تشوشلر و تشتلرله اوده به جکی به! هله موفق اولدقلری حالده داخلده وقوعی محقق اولان آتارشی نك دهشتنی شمیدین تعیننی تقدیر ایتک بیه قابل دکلدر. خلاصه اسپانیولرلك یابدقلری جنتدر و بوجنتک بهمه حال جزاسنی چکه جکلدر.

آ. آ.



تورک اوجاقلری شئونی

تورک یوردنک اساسلی وظیفه لرندن بری ده مملکتک یوزاون ایکی برنده آجیلان اوجاقلرك فعالیتلرندن یکدیگرینی خبردار ایتکدر. بونک ایچون هر آی اوجاقلرك ناصیل چالیشدقلرینی و بالخاصه نه یابدقلرینی بوستونده یازاجقز.

کوتاهیه تورک اومعانی فعالیتی، مملکتک بونک احتیاجلرندن برینی تأمین چالیشمه
حصراً ایتشددر. اک جوق شکایتی جلب ایدن جهالت اوجاغک ایلک هجوم ایتدیکی دشمن اولشددر. کچن قبشین خلق و مکشبلرك برنجی، ایکنجی صنفلرندن تحصیلرینی ترک ایتشار ایچون، ولایت مرکزی ایلک تدریسات معلملرینک یاردیملرله اوچ صنف اوله رق آجدینی کیجه درس لرنده هیسج اوقومق یازمق بیلیمین یوز کیشی به درت آی ایچنده قرائت، یازی، املا و حساب اوکره تمشددر. اوجاق عینی زمانده سپور ایچون بونک بر غیرت صرف ایتمش، «کنجبلر برلکی سپورقلوبی» نك تأسیسی و بوقلوبه «ادمان آلاکی» نك تأمین اوجاغک بو غیرتدن طوبلادینی ثمره در. بوندن باشقه اوجاق، اعضا لرندن اولان دوقتور ارقاداشلر مژک همت و غیرت لریله خلقک صحتته علاقه دار اولمقده در. آلتون طاش ناحیه سیله عشاق قضا سنده محلی حکومتک یاردیم لره کیشین و علاج داغیتدینی کبی آلتون طاشده کی باتاقلغک قور تولسی تشبیلری نتیجه لثمک اوزره در.